



Inatsisartuni ilaasortaq Laura Táunajik, (Siumut)
-/Maani

**Tunumi katsorsaaviliortoqarnissaa pillugu § 37 naapertorlugu
apeqqutigineqartup 118-2016-ip akineqarnera**

13-05-2016
Sags nr. 2016 - 7825
Akt nr. 2749072

Asasara Laura,

Postboks 1160
Tlf: 34 50 00

Inatsisartut suleriaasiat naapertorlugu Tunumi katsorsaaviliortoqarnissaanut
tunngatillugu apeqqutigisannut qjanaq. Apeqqutitit ataani akissavakka.

Fax: 34 55 05
3900 Nuuk

Email: pn@nanoq.gl
www.naalakkersuisut.gl

**1. Naalakkersuisut Tunumi pilersaaruteqarpat katsorsaavimmik
pilersitsiniarlutik?**

Akissut: Naalakkersuisut atonerluisuunermut suliniutit nukittorsarnissaat pillugit
ingerlaavartumik sulissuteqarput. 2016-imut Aningaasanut Inatsimmi siunissami
atonerluisunik katsorsaasarnissamut nuna tamakkerlugu pilersaarutaasup
piviusunngortinniarnerrata aallartinnissaanut aningaasanik qulakkeerinninnissaq
periarfissinneqarpoq. Nuna tamakkerlugu pilersaarummi anguniagaasut tassaapput,

- atonerluisuunermut ajornartorsiutit sapinngisamik siusissukkut
paasineqartassasut,
- atonerluisuusooq ilagisaalu sukkanerpaamik ikiorneqartassasut,
- neqeroorutigineqartoq ataasiakkaat pisariaqartitaannut
naleqqussarneqartassasooq.

Taamaaliornikkut pilersaarutip piviusunngortinneratigut neqeroorutigineqartut
amerlanerussapput, ullutsinnullu sanilliullugu sullitassat amerlanerit
sullinneqarsinnaanerit periarfissaalissalluni. Atonerluisuunermut katsorsartinneq
kikkunnut tamanut pisariaqartitsisunut kissaateqartunullu periarfissaassaaq.

Neqeroorummi nutaami pingaartoq tassaavoq katsorsaaviit najukkaniittussaammata.
Kommunini tamani katsorsaavimmik ataatsimik pilersitsisoqarnissaa pilersaarutaavoq.
Katsorsaaviit 2016-imi Qaqortumi ataatsimik ammaanikkut aallartissapput. Katsorsaaviit
sinneri 2017 aamma 2018-imi pilersinneqassapput.


Tunumi katsorsaavimmik ammaasoqarnissaa imatut pilersaarutaanngikkaluarpoq,
tamatumunngalu pissutaavoq katsorsaaviit kommunit pingaarnertut illoqarfiini
inissinnissaat eqqarsaataammat. Taamaaliornikkut nakorsartilluni katsorsartissinnaaneq
sulisullu pigineqareersut atorluarsinnaanerit periarfissinneqarluarnerpaajussaaq.

Katsorsaaviit inunnut ataasiakkaanut arlalikkaanullu najukkani nakorsartilluni
atonerluisuunermut katsorsartinnissamik neqeroorsinnaassapput, assersuutigalugulu
ilaqtariinnut sullissivinnik qanimut suleqateqarsinnaassallutik. Tamatuma saniatigut

katsorsaaviit kommunimi illoqarfinni nunaqarfinnilu allani sivikitsumik
iluaqutaalluarsinnaasumillu katsorsaanssamik neqeroorsinnaassapput, tamakkulu
najukkani telemediciniluunniit aqqutigalugu malitseqartinneqartarlutik.

Tamatumunnga peqatigitillugu neqeroorutit atorreqareersut ingerlaannassapput, tassalu
Nuummi katsorsaasarnit, kommunillu kissaataat pisariaqartitaallu tunngavigalugit
najukkani katsorsaasarnit. 2016-imi najukkani arfinilinni katsorsaasarnissamik
periarfissiisoqarpoq, taakkunanngalu marluk Tunumi ingerlanneqartussatut
ilimagineqarlutik.

Inussiarnersumik inuulluaqqusillunga


Doris Jakobsen